

Na osnovu člana 16. stav 4. Zakona o Vladi Zeničko-dobojskog kantona ("Službene novine Zeničko-dobojskog kantona", broj 7/10) i Zaključka Vlade Zeničko-dobojskog kantona broj: 02-14-11464/14 od 03.06.2014. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 189. sjednici, održanoj dana 29.10.2014. godine, d o n o s i

## **ZAKLJUČAK**

**o usvajanju izmjena Programa utroška sredstava u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2014. godinu, pozicija «Realizacija projekata Vlade koji se finansiraju iz prihoda od koncesija »**

### **I.**

Usvajaju se izmjene Programa utroška sredstava u razdjelu 23, budžetska organizacija 01, potrošačka jedinica 0001, ekonomski kod 614100, pozicija «Realizacija projekata Vlade koji se finansiraju iz prihoda od koncesija», Budžeta Zeničko-dobojskog kantona za 2014. godinu, u iznosu od 90.000,00 KM (slovima: devedesethiljada konvertibilnih maraka), koje čine sastavni dio ovog zaključka.

### **II.**

Zadužuju se Ministarstvo za poljoprivredu, šumarstvo i vodoprivredu i Ministarstvo finansija da u skladu sa zakonom i podzakonskim aktima realizuju ovaj zaključak, svako u okviru svojih nadležnosti.

### **III.**

Zaključak stupa na snagu danom donošenja.

Broj: 02-\_\_\_\_\_ /14.

Datum, 29.10.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.

**BOSNA I HERCEGOVINA**  
**Federacija Bosne i Hercegovine**  
**ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**



**PROGRAM UTROŠKA SREDSTAVA OD KONCESIJA  
ZA 2014. GODINU**

**- Izmjene -**

ZENICA, oktobar 2014. GODINE

## **I OSNOV ZA DONOŠENJE IZMJENA PROGRAMA UTROŠKA SREDSTAVA OD KONCESIJA ZA 2014.GODINU**

Programom utroška sredstava od koncesija za 2014. godinu, koji je usvojen Zaključkom Vlade zeničko-dobojskog kantona broj: 02-14-4124/14 od 27.02.2014. godine, planiran je iznos od 90.000,00 KM za izradu dvije studije, na osnovu Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj: 15/13), kojim je u razdjelu 23, budžetska organizacija 01, potrošačka jedinica 0001, ekonomski kod 614100, Pozicija «Realizacija projekata Vlade koji se finansiraju iz prihoda od koncesija» planiran navedeni iznos.

S obzirom da je nakon provedenog otvorenog postupka javne nabavke, ukupan iznos za izradu navedenih studija 39.195,00 KM, te da se planira još i izrada koncesionog elaborata od cca 5.000,00 KM, proizilazi da je po Programu raspoloživ iznos od 45.000,00 KM, koji se može planirati za dodatni projekat za koji se ukazala potreba, a to je sanacija i revitalizacija izvorišta mineralne vode „Kiseljak“, općina Žepče.

## **II OBIM IZMJENA PROGRAMA**

Program utroška sredstava od koncesija mijenja se na slijedeći način:

Sredstva prikupljena od naknada za koncesije u iznosu od 90.000,00 KM za 2014. godinu, koja pripadaju Ministarstvu za poljoprivredu, šumarstvo i vodoprivredu utrošiti će se za realizaciju slijedećih projekata:

- 1. Naziv projekta: Studija hidroenergetskog iskorištenja sliva rijeke Gostović i koncesioni elaborat**

**Cilj projekta:** Obezbijediti studiju kojom će se na bazi realnih parametara sagledati mogućnost hidroenergetskog korištenja u slivu rijeke Gostović, uvažavajući prostorne, okolišne i druge aspekte korištenja prostora u slivu, te koncesionog elaborata, nakon izvršene revizije Studije.

Postupak za izradu studije će se provesti putem otvorenog postupka u skladu sa odredbama Zakona o javnim nabavkama.

**Iznos sredstava: 34.000,00 KM**
- 2. Naziv projekta: Studija o mogućnosti hidroenergetskog korištenja vodotoka II kategorije na području Zeničko-dobojskog kantona – r. Očevija**

**Cilj projekta:** Sagledati mogućnost hidroenergetskog korištenja voda rijeke Očevije na području općine Vareš, uvažavajući prostorne, okolišne i druge aspekte korištenja prostora u slivu.

Postupak za izradu studije će se provesti putem otvorenog postupka u skladu sa odredbama Zakona o javnim nabavkama.

**Iznos sredstava: 11.000,00 KM**
- 3. Naziv projekta: Sanacija i revitalizacija izvorišta „Kiseljak“, općina Žepče**

**Cilj projekta:** Sanacija i revitalizacija izvorišta mineralne vode na izvorištu „Kiseljak“, u skladu sa „Projektom detaljnih geoloških istraživanja mineralnih voda i likvidacije bušotine KŽ-1 na lokallitetu Kiseljak kod Žepča, općina Žepče“, izrađenom od strane „CERBERUS“ d.o.o. Tuzla, maja 2014. godine.

Postupak za izvođenje radova na sanaciji, odnosno revitalizaciji izvorišta će provesti Ministarstvo za poljoprivredu, šumarstvo i vodoprivredu, u skladu sa odredbama Zakona o javnim nabavkama i Zakona o geološkim istraživanjima („Službene novine FBiH“, broj: 9/10).

**Iznos sredstava: 45.000,00 KM**

**REKAPITULACIJA:**

	NAZIV PROJEKTA	Planirano (KM)
1	Studija hidroenergetskog iskorištenja sliva rijeke Gostović i koncesioni elaborat	34.000,00
2	Studija o mogućnosti hidroenergetskog korištenja vodotoka II kategorije na području Zeničko-dobojskog kantona – r. Tribija	11.000,00
3	Revitalizacija izvorišta mineralne vode „Kiseljak“ u općini Žepče	45.000,00
	<b>UKUPNO:</b>	<b>90.000,00</b>

Broj: 02-\_\_\_\_\_ -1/14.

Datum, 29.10.2014. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x a/a.